



**MARCHA CICLISTA**

**POLA**

**OFICIALIDÁ**

**DOMINGU 4 DE MAYU, 12:00**

**ESTATUA DE PELAYO, XIXÓN**

Conceyu Abiertu pola Oficialidá



# ¡L'Asturianu Llingua Oficial, yá!

**El prósimu domingu 4 de mayu ye'l día pa sacar la bicicleta y dar una vuelta per Xixón cola xente que como tu queremos un futuru dighu pa la llingua asturiana.**

**Nestos díes, los grupos parlamentarios representaos na Xunta Xeneral tán negociando sobre la reforma del Estatutu d'Autonomía d'Asturies.** Esta nueva reforma ye posiblemente la última oportunidá de poder cuntar, por fin, con un estatutu que s'axuste a la nuesa realidá cultural y llingüística, y que reconozca los mesmos derechos a tolos ciudadanos, falen la llingua que falen.

Va más de 25 años, los parlamentos de Galicia, País Vascu, Navarra, Cataluña, Valencia y Les Isles Baleares aprebaron los sos estatutos reconociendo les sos llingües propies como oficiales, garantizando la protección del so patrimoniu llingüísticu y el respetu a los derechos de los sos ciudadanos.

**Asturies foi la excepción, la única comunidá con llingua propia que nun la reconoció como oficial.**

Nesti tiempu evidencióse que mientras el restu comunidaes supieron dar valor al so patrimoniu llingüísticu, convirtiéndolu nun potente dinamizador social y económicu; n'Asturies seguimos despreciando esi potencial, día tres día la nuesa llingua ta perdiendo falantes y ámbitos d'usu, y sigue siendo motivu de discriminación y vergüenza.

Agora vuelve abrise la oportunidá de tornar esta situación. Esta reforma del Estatutu d'Autonomía tien que recoyer la única reivindicación ciudadana que se vien manteniendo constante n'Asturies nos últimos trenta años. Nun podemos dexar que por culpa d'intereses partidistes irresponsables condenen a muerte a una llingua que pertenez al pueblu asturianu dende va más de mil años.

**¡Agora ye'l momentu! El prósimu domingu 4 de mayu convocámoste a les 12:00 xunto a la estatua de Pelayo, pa facer una ruta reivindicativa en bicicleta peles cais de Xixón.**

Conceyu Abiertu pola Oficialidá

